

Condau de Ribagorza 2022

Los Ayuntamientos de Graus, Estadilla, y Fonz convocan el XXI Concurso literario en aragonés ribagorzano Condau de Ribagorza, en las modalidades de narrativa y poesía en categoría d'adultos.

1. La convocatoria del concurso é de tot ubierta, se i puede presentar qui quiera.
2. Los treballos habrán de ser originals y ineditos. Los concursantes se fan responsables de que no ñ'hai dretos de tercens en los relatos presentaus.
3. La tematica del concurso é llibre.
4. Los originals estarán escribius en aragonés baixo-ribagorzano, en cualquiera de las suyas variants de Graus, Estadilla, Fonz, Chuseu, Torres, Panillo, Capella, La Pueblla de Castro, Secastilla, Perarruga, Santallestra, Campo, etc.
5. Los relatos tendrán una extensión no inferior a tres pllanas A4 ni superior a cinco. La lletra será Arial 11 puntos, con espaciou y chustificau normals.
6. La metrica de los poemas é llibre, y la suya extensión habrá de ser superior a cuarenta versos y inferior a doscientos, podén-se presentar-ie baix la forma de poemas sueltos u poemarios.
7. S'admitirá un maximo de dos treballos per autor, se presenten u no a la mesma modalidat.
8. Los treballos caldrá mandar-los per correu-e a info@espaciopirineos.com con la referencia Concurso Condau de Ribagorza, y quedarán en posesión de la Organización. El pllazo d'entrega acaba a las 10 horas del 1 d'abril de 2022.
9. En atro documento, los autors inclluirán el suyo nome y edat, apellidos, DNI y datos de contacto.

Premios, churau y fallo del concurso

10. La dotación del Concurso é de 600 € en la modalidat de relatos y 300 € en la modalidat de poemas.
11. El Churau, que podrá decllarar desiertos los premios u atorgar accésits si fuese menester, estará integrau per un representant de cada ayuntamiento que convoca (Graus, Estadilla y Fonz) y per varios llingüistas de reconoixida profesionalidat, los nomes de los cuals se farán publicos cuan s'entregue el premio, que será inapelable.
12. La Comisión fará publico el fallo del Churau a Graus alrededor del 23 d'abril.
13. La Organización publicará una tría de los treballos presentaus.
14. El Churau tiene la potestat de resolver cualquier eventualidat que no haiga siu fixada dinantes en estas bases, resolvén-se al suyo arbitrio cualquier duda que se i podese presentar. La grafía en que se publicarán las obras premiadas, con l'asesoría de los llingüistas que integren el Churau, atenderá a los usos de los autors tradicionals.